



**AGENCIJA ZA VODNO PODRUČJE RIJEKE SAVE
SARAJEVO**

**IZMJENE I DOPUNE
OKVIRNOG PLANA I FINANSIJSKOG PLANA
AGENCIJE ZA VODNO PODRUČJE RIJEKE SAVE SARAJEVO
ZA PERIOD 2024-2026. GODINA**

SARAJEVO, OKTOBAR 2025. GODINE

Sadržaj

1.	UVOD	3
2.	OSNOVNI CILJEVI I ZADACI OKVIRNOG PLANA ZA PERIOD 2024-2026. GODINA	4
3.	FINANSIJSKI DIO OKVIRNOG PLANA	5
3.1.	Izmjena Plana prihoda i primitaka po izvorima i godinama.....	5
3.2.	Izmjena Plana rashoda i izdataka po mjestu i godinama za period 2024-2026. godina ...	7
4.	OBJAŠNJENJE FINANSIJSKOG DIJELA PLANA.....	8
4.1.	Plan prihoda.....	8
4.1.1.	Izmjena plana prihoda i primitaka po izvorima i periodu	10
4.2.	Plan rashoda i izdataka	10
4.2.1.	Izmjena Plana rashoda i izdataka po mjestu nastanka i periodu	11
4.3.	Ostali tekući rashodi - rashodi sektora voda.....	12
4.3.1.	Izmjena Plana rashoda i izdataka po ostalim tekućim rashodima - rashodi sektora voda	13

1. UVOD

Agencija za vodno područje rijeke Save Sarajevo (u daljnjem tekstu: Agencija) formirana je na osnovu Zakona o vodama (Službene novine Federacije BiH, broj: 70/06) (u daljnjem tekstu ZOV). Rješenjem o registraciji br. 065-0-Reg-07-003968 od 9. 1. 2008. godine upisana je u sudski registar Općinskog suda u Sarajevu, MBS 65-05-0001-08. Osnivač Agencije je Federacija Bosne i Hercegovine.

Agencija je federalna javna ustanova odgovorna za upravljanje vodama na vodnom području rijeke Save na prostoru Federacije Bosne i Hercegovine. Agencijom upravlja Upravni odbor od pet članova, kojeg - na prijedlog nadležnog ministarstva, a na osnovu provedenog konkursa - imenuje Vlada Federacije Bosne i Hercegovine. Kontrolu rada Agencije vrši tročlani Nadzorni odbor kojeg nakon provedenog konkursa - na prijedlog nadležnog ministarstva - također imenuje Vlada Federacije Bosne i Hercegovine. Agencijom upravlja direktor, koji predstavlja i zastupa Agenciju. Direktora imenuje Upravni odbor uz saglasnost nadležnog ministarstva. Poslovi i zadaci Agencije utvrđeni su članovima 29, 155. i 156. ZOV-a.

Agencija je dužna usvojiti godišnji Plan i Finansijski plan, a u skladu s Članom 160. ZOV-a priprema i Okvirni plan i Finansijski plan Agencije za period od najmanje tri godine. Okvirni plan donosi Upravni odbor Agencije uz saglasnost Vlade Federacije Bosne i Hercegovine.

Odlukom Upravnog odbora Agencije broj 50-96-5/24 od 25. 1. 2024. godine, Okvirni plan i Finansijski plan Agencije za vodno područje rijeke Save Sarajevo za period 2024-2026. godina usvojen je i - u skladu sa Članom 160. stav 1. ZOV-a - putem Federalnog ministarstva za poljoprivredu, vodoprivredu i šumarstvo dostavljen Vladi Federacije BiH na saglasnost.

Na osnovu Člana 19. stav (2) Zakona o Vladi Federacije Bosne i Hercegovine (Službene novine Federacije BiH, br. 1/94, 8/95, 19/03, 2/06 i 8/06) i Člana 160. stav (1) ZOV-a, na 33. sjednici održanoj 30. 4. 2024. godine, Vlada Federacije BiH donijela je Odluku o davanju saglasnosti na Okvirni plan i Finansijski plan Agencije za vodno područje rijeke Save Sarajevo za period 2024-2026. godina V. broj 696/2024.

S obzirom na izmjene na prihodovnoj strani, koje se očekuju u narednoj 2026. godini, pristupilo se izmjenama i dopunama Okvirnog plana i Finansijskog plana Agencije za vodno područje rijeke Save Sarajevo za period 2024-2026. godina.

2.OSNOVNI CILJEVI I ZADACI OKVIRNOG PLANA ZA PERIOD 2024-2026.

GODINA

Sa Izmjenama i dopunama Okvirnog plana i Finansijskog plana Agencije za vodno područje rijeke Save Sarajevo za period 2024-2026. godina, osnovni ciljevi i zadaci Agencije ostaju nepromijenjeni, kako slijedi u nastavku teksta.

Okvirni trogodišnji plan trebalo bi da osigura postizanje određenih ciljeva i provođenje zadataka definiranih u ZOV-u. To se posebno odnosi na zadatke određene u 29. i 156. članu ZOV-a. Osnovni ciljevi za ovaj planski period su:

- provođenje ciljeva Strategije upravljanja vodama Federacije Bosne i Hercegovine (2010-2022) te Federalne strategije zaštite okoliša (2022-2032), čiji je integralni dio Strategija upravljanja vodama Federacije BiH (2022-2032);
- provođenje mjera Plana upravljanja vodama za vodno područje rijeke Save u Federaciji Bosne i Hercegovine (2022-2027);
- provođenje mjera Plana upravljanja rizikom od poplava za vodno područje rijeke Save u Federaciji Bosne i Hercegovine (2024-2029);
- priprema izrade plana upravljanja vodama za vodno područje rijeke Save u Federaciji Bosne i Hercegovine (2028-2033);
- održavanje i sanacija postojećih zaštitnih vodnih objekata u vlasništvu Federacije Bosne i Hercegovine u skladu s programom mjera i raspoloživim sredstvima;
- izgradnja zaštitnih vodnih objekata na područjima ugroženim poplavama prema prioritetima datim u planskim dokumentima;
- povećanje stepena sigurnosti odbrane od poplava na vodotocima I. kategorije;
- provođenje monitoringa kvaliteta i kvantiteta voda po programu monitoringa;
- razvoj, održavanje i unapređenje Informacionog sistema voda u skladu sa ZOV-om, Pravilnikom o uspostavi ISV-a i internim aktima;
- razvoj, održavanje i unapređenje prognoznih modela kao dijela sistema za rano upozoravanje od poplava na vodnom području rijeke Save u Federaciji BiH;

- izdavanje vodnih akata u skladu sa ZOV-om;
- promocija istraživačkog rada u oblasti voda;
- izrada podloga za pripremu podzakonskih akata;
- davanje stručnih mišljenja po zahtjevima za izdavanje vodnih akata kantonalnih ministarstava nadležnih za vode te stručnih mišljenja sa stanovišta voda o dokumentima iz nadležnosti drugih federalnih i kantonalnih ministarstava koja zatraže ta tijela;
- davanje stručnih mišljenja u postupku izdavanja okolinskih dozvola;
- poduzimanje aktivnosti u vezi s prikupljanjem vodnih naknada i izvještavanja mjerodavnih institucija o stepenu izmirenja obaveza plaćanja vodnih naknada i dr.;
- realizacija projekata finansiranih iz vlastitih sredstava;
- realizacija projekata iz drugih izvora finansiranja (Budžeta Federacije Bosne i Hercegovine, međunarodnih izvora finansiranja i dr.);
- učestvovanje u poslovima i zadacima u vezi s ispunjavanjem obaveza države u okviru evropskih integracija;
- učestvovanje imenovanih zaposlenika Agencije u radu međunarodnih komisija u kojima je Bosna i Hercegovina članica;
- učestvovanje u poslovima i zadacima u vezi s ispunjavanjem obaveza po osnovu međunarodnih bilateralnih i multilateralnih sporazuma, ugovora i konvencija te
- transparentno informiranje javnosti i podizanje javne svijesti u pogledu održivog korištenja voda, zaštite voda i zaštite vodenih ekosistema.

3. FINANSIJSKI DIO OKVIRNOG PLANA

3.1. Izmjena Plana prihoda i primitaka po izvorima i godinama

Red. Broj	EKON KOD	IZVORI PRIHODA I PRIMITAKA	P L A N			
			2024.	2025.	2026.	IZMJENA 2026.
1.	722520	VODNE NAKNADE	18.620.000,00	19.650.000,00	20.650.000,00	22.700.000,00
1.1.	722521	PVN za zaštitu voda za transportna sredstva koja za pogon koriste naftu i naftne derivate	5.000.000,00	5.200.000,00	5.400.000,00	5.800.000,00

Red. Broj	EKON KOD	IZVORI PRIHODA I PRIMITAKA	P L A N			
			2024.	2025.	2026.	IZMJENA 2026.
1.2.	722522	PVN za zaštitu voda (ispuštanje otpadnih voda, uzgoj ribe, upotreba vještačkih đubriva i hemikalija za zaštitu bilja)	3.100.000,00	3.200.000,00	3.300.000,00	2.500.000,00
1.3.	722523	PVN za korištenje površinskih i podzemnih voda za javno vodosnabdijevanje	900.000,00	900.000,00	900.000,00	900.000,00
1.4.	722524	PVN za korištenje površinskih i podzemnih voda za flaširanje vode i mineralne vode, za uzgoj ribe u ribnjacima, za navodnjavanje i druge namjene	200.000,00	200.000,00	200.000,00	200.000,00
1.5.	722525	PVN za korištenje površinskih i podzemnih voda za industrijske procese, uključujući termoelektre	1.000.000,00	1.100.000,00	1.100.000,00	900.000,00
1.6.	722526	PVN za korištenje vode za proizvodnju električne energije u hidroelektranama	300.000,00	350.000,00	350.000,00	300.000,00
1.7.	722527	PVN za vađenje materijala iz vodotoka	80.000,00	90.000,00	100.000,00	100.000,00
1.8.	<u>722529</u>	Opća vodna naknada	8.040.000,00	8.610.000,00	9.300.000,00	12.000.000,00
2.		OSTALI NEPOREZNI PRIHODI	200.000,00	300.000,00	300.000,00	300.000,00
Ukupno prihodi (1+2):			18.820.000,00	19.950.000,00	20.950.000,00	23.000.000,00
3.		KAPITALNI PRIMICI	-	-	-	-
3.1	814300	Primici od domaćeg zaduživanja (kredit)	-	-	-	-
UKUPNO PRIHODI I PRIMICI (1+2+3):			18.820.000,00	19.950.000,00	20.950.000,00	23.000.000,00

3.2. Izmjena Plana rashoda i izdataka po mjestu i godinama za period 2024-2026. godina

Red. broj	EKONOMSKI KOD	PLAN RASHODA I IZDATAKA	PLAN			
			2024.	2025.	2026.	IZMJENA 2026.
1.	611000	Plaće i naknade troškova zaposlenih	4.800.000,00	4.800.000,00	5.000.000,00	5.700.000,00
2.	612000	Doprinosi poslodavca i ostali doprinosi	630.000,00	630.000,00	660.000,00	660.000,00
3.	613000	Izdaci za materijal, sitan inventar i usluge	1.950.000,00	2.000.000,00	2.200.000,00	2.400.000,00
4.	614000	Tekući transferi i drugi tekući rashodi	10.510.000,00	11.590.000,00	12.160.000,00	13.310.000,00
	614234	Isplata stipendija	20.000,00	20.000,00	20.000,00	20.000,00
	614819	Ostali tekući rashodi - rashodi sektora voda	10.490.000,00	11.570.000,00	12.140.000,00	13.290.000,00
5.	616000	Izdaci za kamate	30.000,00	30.000,00	30.000,00	30.000,00
6.		Tekuća rezerva	300.000,00	300.000,00	300.000,00	300.000,00
Ukupni rashodi (1+2+3+4+5+6):			18.220.000,00	19.350.000,00	20.350.000,00	22.400.000,00
7.	821000	Izdaci za nabavku stalnih sredstava	400.000,00	400.000,00	400.000,00	400.000,00
8.	823000	Otplata kredita	200.000,00	200.000,00	200.000,00	200.000,00
UKUPNO RASHODI I IZDACI: (1+2+3+4+5+6+7+8):			18.820.000,00	19.950.000,00	20.950.000,00	23.000.000,00

614819 - OSTALI TEKUĆI RASHODI - RASHODI SEKTORA VODA

STAVKA PLAN A	EKONOMSKI KOD	NAMJENA USMJERAVANJA TEKUĆIH RASHODA	PLAN			
			2024.	2025.	2026.	IZMJENA 2026.
	614819	Ostali tekući rashodi - rashodi sektora voda	10.490.000,00	11.570.000,00	12.140.000,00	13.290.000,00
A	6148191	Upravljanje vodama na vodnom području rijeke Save	2.945.500,00	2.815.500,00	1.925.500,00	1.925.500,00

B	6148192	Tekuća i investiciona ulaganja u vodne objekte	7.544.500,00	8.754.500,00	10.214.500,00	11.364.500,00
UKUPNO (A+B):			10.490.000,00	11.570.000,00	12.140.000,00	13.290.000,00
A	6148191	Upravljanje vodama na vodnom području rijeke Save	2.945.500,00	2.815.500,00	1.925.500,00	1.925.500,00
A1.	61481911	Izrada strateško-planske dokumentacije	1.600.000,00	1.400.000,00	580.000,00	580.000,00
A2.	61481912	Monitoring voda	890.000,00	960.000,00	890.000,00	890.000,00
A3.	61481913	Informacioni sistem voda (ISV)	455.500,00	455.500,00	455.500,00	455.500,00
B.	6148192	Tekuća i investiciona ulaganja u vodne objekte	7.544.500,00	8.754.500,00	10.214.500,00	11.364.500,00
B1.	61481921	Zaštitni vodni objekti u vlasništvu Federacije BiH	2.480.500,00	2.480.500,00	2.480.500,00	2.480.500,00
B2.	61481922	Preventivne aktivnosti i radovi odbrane od poplava na površinskim vodama I. kategorije	4.864.000,00	6.074.000,00	7.534.000,00	8.684.000,00
B3.	61481923	Stručne usluge na realizaciji poslova Agencije	200.000,00	200.000,00	200.000,00	200.000,00

4. OBJAŠNJENJE FINANSIJSKOG DIJELA PLANA

4.1. Plan prihoda

Vodne naknade su osnovni vlastiti izvor prihoda sektora voda Federacije BiH. Način obračuna i plaćanja vodnih naknada uređen je sljedećim propisima:

- Zakonom o vodama Federacije Bosne i Hercegovine (Službene novine Federacije Bosne i Hercegovine, broj 70/06);
- Odlukom o visini posebnih vodnih naknada (Službene novine Federacije Bosne i Hercegovine, broj 46/07 i 10/14);

- Pravilnikom o načinu obračuna, postupku i rokovima za obračun, plaćanje i kontrolu izmirivanja obaveza po osnovu opće vodne naknade i posebnih vodnih naknada (Službene novine Federacije Bosne i Hercegovine, broj 97/07, 46/09, 79/11, 88/12 i 03/16).

Vodne naknade su:

- opća vodna naknada i posebne vodne naknade.

Opću vodnu naknadu plaćaju sve pravne i fizičke osobe registrirane za obavljanje djelatnosti u visini 0,5% neto-plaće zaposlenika u radnom odnosu na neodređeno i određeno vrijeme zajedno sa isplatom plaća. Opća vodna naknada plaća se i na neto-primanja po osnovu obavljanja samostalne djelatnosti i povremenog samostalnog rada. Plaćanje opće vodne naknade vrši se zajedno sa isplatom primanja i to u visini 0,5% primanja (ugovor o djelu, ugovor po osnovu obavljanja povremenih ili privremenih poslova, komisije, upravni i nadzorni odbori i dr.).

Posebne vodne naknade (PVN) su:

- **PVN za korištenje površinskih i podzemnih voda** - obuhvata zahvatanje vode za: javno vodosnabdijevanje, flaširanje vode, navodnjavanje, uzgoj ribe u ribnjacima, industrijske procese i druge namjene. Osnovica za plaćanje je m^3 zahvaćene vode. Visina vodne naknade iznosi 0,01 KM/ m^3 za javno vodosnabdijevanje, 2,00 KM/ m^3 za flaširanje, 0,002 KM/ m^3 za navodnjavanje te za industrijske procese 0,03 KM/ m^3 ;
- **PVN za korištenje vode za proizvodnju električne energije hidroenergijom** obračunava se po kWh proizvedene električne energije u visini 0,001 KM/kWh;
- **PVN za zaštitu voda** plaćaju zagađivači voda. Obračunava se i plaća na osnovu količine zagađenja izražene preko ekvivalentnog broja stanovnika (EBS). Jedan ekvivalentni stanovnik (ES) iznosi 2,00 KM;
- **PVN za vađenje materijala iz vodotoka**. Osnovica za obračunavanje je m^3 izvađenog materijala iz vodotoka u visini minimalno 1,50 KM/ m^3 .

Vodne naknade uplaćuju se na račun javnih prihoda kantona i s tog računa se raspodjeljuju korisnicima u skladu sa Članom 177. ZOV-a:

- a) budžetima kantona 45%,
- b) nadležnoj agenciji za vode 40% i
- c) Fondu za zaštitu okoliša Federacije Bosne i Hercegovine 15%.

U Planu prihoda i izdataka za period 2024-2026. godina data je procjena prihoda Agencije (40%) od vodnih naknada u naredne tri godine. Procjena je izvršena na bazi ostvarenja prihoda od vodnih naknada u prethodnim godinama.

4.1.1. Izmjena plana prihoda i primitaka po izvorima i periodu

U 2026. godini očekuje se izmjena prihodovne strane u izvoru prihoda „vodne naknade“. Na osnovu iskustvenih podataka, ostvarenih prihoda po osnovu vodnih naknada u 2024. i 2025. godini, relevantnih ekonomskih pokazatelja i estimacije prihoda za 2026. godinu, rezultati analize pokazali su da će ukupni prihodi biti povećani za 2.050.000,00 KM.

U analitici tabelarnog prikaza Izmjena Plana prihoda i primitaka po izvorima i godinama (tačka 3.1.) vidljivo je da su planirane izmjene u 2026. godini na ekonomskim kodovima - izvorima prihoda, kako slijedi:

- 722521 PVN za zaštitu voda za transportna sredstva koja za pogon koriste naftu i naftne derivate povećava se za 400.000,00 KM;
- 722522 PVN za zaštitu voda (ispuštanje otpadnih voda, uzgoj ribe, upotreba umjetnih đubriva i hemikalija za zaštitu bilja) smanjuje se za 800.000,00 KM,
- 722525 PVN za korištenje površinskih i podzemnih voda za industrijske procese, uključujući termoelektrane, smanjuje se za 200.000,00 KM;
- 722526 PVN za korištenje voda za proizvodnju električne energije u hidroelektranama smanjuje se za 50.000,00 KM.
- 722529 opća vodna naknada povećava se za 2.700.000,00 KM.

4.2. Plan rashoda i izdataka

Korištenje sredstava vodnih naknada koje oprihoduje Agencija određeno je Članom 178, stav (1) Zakona o vodama, i to za finansiranje:

- poslova i zadataka iz članova 29. i 156. Zakona o vodama Federacije Bosne i Hercegovine,
- održavanja zaštitnih vodnih objekata u vlasništvu Federacije Bosne i Hercegovine,
- drugih poslova i aktivnosti koje su Zakonom o vodama Federacije Bosne i Hercegovine povjerene Agenciji i
- troškova rada i poslovanja Agencije.

U skladu s navedenim odredbama Zakona o vodama, sačinjen je Plan rashoda i izdataka Agencije za period 2024-2026. godina. Plan rashoda i izdataka prilagođen je metodologiji rashoda i izdataka prema Zakonu o budžetima u Federaciji Bosne i Hercegovine i podzakonskim aktima navedenog zakona.

4.2.1. Izmjena Plana rashoda i izdataka po mjestu nastanka i periodu

(611100) Plaće i naknade troškova zaposlenih

Na dan 30. 9. 2025. godine, u Agenciji je bilo zaposleno 75 radnika, a Pravilnikom o radu, unutrašnjoj organizaciji i sistematizaciji planirano je 112 radnih mjesta.

Zbog potrebe prijema novih radnika, kao i zbog povećanja obima posla - u skladu s Pravilnikom o radu, unutrašnjoj organizaciji i sistematizaciji radnih mjesta te u skladu sa saglasnošću Vlade Federacije BiH za prijem novih radnika - Agencija planira u 2026. godini izvršiti prijem novih 10 radnika u radni odnos na neodređeno vrijeme.

S druge strane, Centralna banka BiH dala je zvanični podatak da je inflacija za prva tri mjeseca 2025. godine iznosila 4,21%, godišnji rast prosječnih potrošačkih cijena u sektoru usluga je povećan za 4,73%, efekat rasta cijena hrane izražen je u 7,1%, a sindikalna potrošačka korpa koju je Savez samostalnih sindikata Bosne i Hercegovine izračunao za avgust 2025. godine, iznosi 3.541,80 KM. Posljednje povećanje plaće u Agenciji izvršeno je u aprilu 2022. godine. S obzirom na sve navedeno, smatra se potrebnim izvršiti i povećanje plaće u skladu s odobrenim finansijskim sredstvima.

Iz pobrojanih razloga, ekonomski kod plaće i naknade troškova zaposlenih povećan je za 700.000,00 KM.

(613000) Izdaci za materijal, sitni inventar i usluge

S obzirom na podatke od nadležnih institucija o visini stope inflacije u svim segmentima, u odnosu na cijene svih usluga i proizvoda iz 2023. kada je pripreman Okvirni plan i Finansijski plan Agencije za period 2024-2026. godina, već sada je izvjesno da je u planirane iznose za 2026. godinu neophodno ukalkulirati povećanje cijena na tržištu i inflaciju koja je nastala u posljednjem periodu, kao i onu koja nas očekuje u narednom. Iz navedenih razloga, ovaj ekonomski kod je povećan za 200.000,00 KM. Povećanje planiranog iznosa odnosi se na izdatke

za materijal, sitni inventar i usluge, potrošni i drugi materijal, rad Laboratorije za vode, putne troškove, izdatke za energiju, telefonske i poštanske usluge, komunalne usluge, kancelarijski materijal, goriva i maziva, iznajmljivanje prostora, usluge održavanja opreme i vozila, osiguranja opreme i zaposlenika, naknade za rad Upravnog i Nadzornog odbora Agencije, stručne usluge, izdavanje časopisa "Voda i mi" i dr.

Kontni plan za budžete i budžetske korisnike nije prilagođen osnovnim poslovima i zadacima Agencije pa je konto 614819 - Ostali tekući rashodi - razrađen za potrebe planiranih radova i aktivnosti Agencije koji su nazvani Rashodi sektora voda. Kako se radi o osnovnim zadacima i aktivnostima određenim Zakonom o vodama, u nastavku su detaljnija obrazloženja za izmjene i dopune na ekonomskom kodu 614819.

4.3. Ostali tekući rashodi - rashodi sektora voda

Svi vodotoci su prema ZOV-u podijeljeni na vodotoke I. i II. kategorije, pri čemu nadležnost nad vodotocima I. kategorije ima Agencija, a nadležnost nad vodotocima II. kategorije kantonalna ministarstva nadležna za vode. Prema članu 5. Zakona o vodama Federacije Bosne i Hercegovine, vodotoci I. kategorije su: Sava, Una, Unac, Sana, Vrbas, Pliva, Bosna, Krivaja, Usora, Spreča nizvodno od ušća Jale, Željeznica, Tinja, Drina, Sanica i Klokot. Osim nabrojanih vodotoka, u I. kategoriju spadaju i akumulacije: Hazna, Vidara, Jajce I, Jajce II i Župica.

Izbor prioritetnih projekata za finansiranje sredstvima Agencije vrši se na osnovu do sada urađene planske i druge dokumentacije:

- Strategije upravljanja vodama u Federaciji Bosne i Hercegovine za period 2010-2022;
- Federalne strategije zaštite okoliša (2022-2032) čiji je integralni dio Strategija upravljanja vodama Federacije BiH (2022-2032);
- Plana upravljanja rizikom od poplava za vodno područje rijeke Save u Federaciji Bosne i Hercegovine (2024-2029);
- Plana upravljanja vodama za vodno područje rijeke Save u Federaciji BiH 2022-2027. godine,
- Mape opasnosti i mapa rizika od poplava;
- Preliminarne procjene rizika od poplava u Federaciji Bosne i Hercegovine;

- Trogodišnjeg plana rada Federalnog ministarstva poljoprivrede, vodoprivrede i šumarstva za period 2023-2025. godina;
- godišnjih planova rada Federalnog ministarstva poljoprivrede, vodoprivrede i šumarstva (Sektor za vode);
- Glavnog preventivnog plana odbrane od poplava za područje Federacije Bosne i Hercegovine;
- Procjene sadašnjeg stanja odbrane od poplava u Federaciji Bosne i Hercegovine i izrade programa poboljšanja;
- Federalnog operativnog plana odbrane od poplava za područje Federacije Bosne i Hercegovine;
- odluka i zahtjeva Federalnog ministarstva poljoprivrede, vodoprivrede i šumarstva prema Članu 156. tačka 14. Zakona o vodama;
- akata Vlade Federacije Bosne i Hercegovine te
- na osnovu hitnih situacija na terenu izazvanih štetnim djelovanjem voda.

4.3.1. Izmjena Plana rashoda i izdataka po ostalim tekućim rashodima - rashodi sektora voda

S obzirom na to da se u 2026. godini očekuje povećanje prihodovne strane u izvoru prihoda „vodne naknade“, kao što je obrazloženo u dijelu 4.1.1, sredstva u iznosu 1.150.000,00 KM rasporedit će se na stavku B.2. Preventivne aktivnosti i radovi odbrane od poplava na površinskim vodama I. kategorije.

Prioritetni projekti za finansiranje sredstvima Agencije za period 2024-2026. su:

- uređenje rijeke Bosne u općinama/gradovima Ilidža, Novi Grad, Vogošća, Ilijaš, Visoko, Kakanj, Zenica, Žepče, Zavidovići, Maglaj, Doboj-Jug i Odžak;
- uređenje Spreče u općinama/gradovima Doboj-Istok, Gračanica i Lukavac;
- uređenje Tinje u gradovima Srebrenik i Tuzla;
- uređenje Vrbasa u općinama Gornji Vakuf, Bugojno, Donji Vakuf i Jajce;
- uređenje rijeke Željeznice u općinama Trnovo i Ilidža;
- uređenje Une u gradovima Bihać i Bosanska Krupa;
- uređenje Sane u općinama/gradovima Ključ i Sanski Most;
- uređenje Sanice u općini Ključ;
- uređenje Usore u općinama Doboj-Jug, Tešanj i Usora;

- uređenje Drine u općinama/gradovima Goražde i Foča u Federaciji Bosne i Hercegovine;
- uređenje Krivaje u općinama/gradovima Zavidovići i Olovo;
- uređenje rijeke Unac u općini Drvar;
- uređenje Plive u općini Jajce te
- čišćenje raznog otpada, stabilizacija korita bujičnih vodotoka i osiguranje profila protoka na svim vodotocima I. kategorije s ciljem prevencije štetnog djelovanja voda.

Osim realizacije projekata, planirana je i izrada tehničkih rješenja i priprema tehničke dokumentacije za izgradnju objekata za zaštitu od poplava za općine/gradove izložene visokom riziku od poplava, odnosno idejnih i glavnih projekata za dionice za koje ne postoji projektna dokumentacija, kao i elaborata za hitne intervencije na vodotocima I. kategorije prema značaju za upravljanje vodama.

PREDSJEDNIK UPRAVNOG ODBORA

Anto Mikić, dipl. inž. poljoprivrede
